

# XHIIÑA' REINU NI RÚNINU

## NOVIEMBRE 2011

### SEMANA 14 STI' NOVIEMBRE

Diidxa' riuunda' 49 ne oración

#### □ Guendaridagulisaa ra Riuunda' Biblia

bt-S cap. 12 párr. 14-20 (25 min.)

#### □ Scuola sti' cani Rucheeche Diidxa'

**Ra guiuunda' Biblia:** Eclesiastés 1-6 (10 min.)

**Primé:** Efesios 1:3-14 (3 o 4 min.)

**Guiropa:** Tu clase de binni ruyubi Jobá, ne xiñee naquiiñe' gatanácabe (lv cap. 13 párr. 1, 2) (5 min.)

**Guionna:** Ximodo ruuya' Jobá guixii rini sti' tuuxa ni qué gapa donda (my hist. 6) (5 min.)

#### □ Guendaridagulisaa sti' Dxiña' Stinu

Diidxa' riuunda' 127

**5 min.** Cani chiguiete'e'.

**15 min.** Ñee risaca para laanu gudi'nu de guidubi ladxido'no la? Libana ni gudii ti binnigola, zeedani lu revista *Torre sti' ni rapa* 15 sti' noviembre 2011, yaza 22 ne 23.

**15 min.** «Guze'nu biidxi' ca ti guindani ni.» Gunabadiidxa' ne guicábicabe. Ora ma' biindatu párrafo 3, tiidi' ti ni rucheeche diidxa' ne guihuinni cayuube listu para chigánnabe tuuxa binni sti biaje. Guihuinni cayuuyabe cani bicaabe de binni ca ne caní' íquebe ximodo zanda guicábibe guendarinabadiidxa' ni biaananebe binni ca gusiénebe laa ne ximodo zanda guzulú gú'ndanebe laa de Biblia né libru *Xipe' ndi' cusiiidi' Biblia*. De racá bisiene laacabe né chupa chonna si diidxa' ni zeeda lu libru *Organizados*, yaza 85, párrafo 3, ra cusiene pora nga zanda guca'nu bñinu ti revisita.

Diidxa' riuunda' 98 ne oración

## Guze'nu biidxi' ca ti guindani ni

<sup>1</sup> Ora gudxiiba' binni ti biidxi' la? caquiiñe' guzee ni ti guindani ni. Zacaca nga naquiiñe' gúninu né ca binni ni nabeza neza ra rucheechenu diidxa' para guicaa xcu stiidxa' Dios ndaani' ladxido'ca' (1 Cor. 3:6). Nga runi, naquiiñe' chigánnanu binni sti biaje para gacanenu laaca' guziidica' jma de Stiidxa' Dios, ne zeeda gaca nga casi ora nuzé'nu biidxi' ni bidxi'banu. Zacá zanda guicaa xcu ni ca-

**1.** Xiñee naquiiñe' chigánnanu binni sti biaje.

ziidicabe ndaani' ladxido'cabe, guiniiscabe lu stiidxa' Dios ne gacanécabe xcaadxi binni guziidi' de Dios.

<sup>2</sup> **Gunabadiidxa' laabe xiixa ni guicábilu' sti dxi.** Ora ma' caguíxhelu' xi zanda gábilu' binni nabeza neza ra rucheechelu' diidxa', galán guini' íquelu' xi zanda guinabadiidxalu' laabe para chuuládxibe guziidibe jma ne ganda chigánnalu' laabe sti biaje. Galán gu'nu' zacá ora ma' chiguiluxe guini'nelu' laabe de Dios, ne biaanane' laabe guibiguétalu' sti dxi para guicábilu' guendarinabadiidxa' ca. Stale de cani rucheeche diidxa' huabeenduca' ni galán ora rinabadiidxaca' xiixa ni zeeda lu libru *Xipe' ndi' cusiiidi' Biblia* ne nga racané laaca' guzulú gú'ndaneca' binni de Biblia.

<sup>3</sup> **Cani naquiiñe' gucaalu' de binni ca.** Ora chigánnalu' tuuxa binni primé biaje, galán gucaalu' tu labe cásipe' guiluxe guini'nelu' laabe, pa neza ralídxibe, fecha, ora yegánnalu' laabe, xi tema guní'nelu' laabe, ne pa bisaananelu' laabe xiixa libru o revista. Laaca galán gucaalu' pa nápabe xiixa religión, pa nápabe binnilídxibe, pa nuu xi naguu xizaa laabe o pa riuuládxibe gánnabe de xiixa tema. Cani gucaalu' ca zacanécani lii chu'lu' listu ora ma' chigánnalu' laabe sti biaje. Cadi guiaanda' lii gucaalu' xi dxi biaananelu' laabe guibiguétalu' ne xi guendarinabadiidxa' chiguicábilu' laabe.

<sup>4</sup> **Cadi guireelu' gana.** Binidxaba' zuni guirá' ni gándati' para cuee de «ndaani ladxido'» binni guirá' ni ma' biziidi' de Dios (Mar. 4:14, 15). Nga runi, cadi guireelu' gana pa ma' qué guidxélu' ca binni ni guyuula'dxi' guziidi' de Biblia. Zanda gucaalu' xiixa lu ti guí'chi' huini' ne gusaanalú' ni ralídxicabe o guseendalu' ti carta ra nuucabe. Ti precursora bizulú cayuundané ti gunaa ra puerta' lidxi, peru ma' qué nidxélarube laa, ni bí'nitibe biseendabe ti carta ra nuu. Despué beeda guidxélabé gunaa que, ne laa gudxi laabe ni bí'nibe que biniibi ni ladxido'. Pa guibigueta' chigánnanu ti binni ni guyuula'dxi' guziidi' de Biblia, zadú'yanu guiniisibe lu stiidxa' Dios, ni zeeda gaca casi ora nindani ti biidxi' ni bidxi'banu, nidú'yanu nirooba' ni ne nudiiini stale casi layú «ni bidii treinta carreta» ne «ni bidii sesenta» ne «ni bidii dede ti gayuaa» (Mar. 4:20).

**2.** Xi caquiiñe' gúninu para ganda chigánnanu binni sti biaje.

**3.** Xi zanda guca'nu de ti binni ni riuula'dxi' guziidi'.

**4.** Xiñee cadi naquiiñe' guire'nu gana pa racaládxinu gacanenu binni guziidi' de Dios.

## SEMANA 21 STI' NOVIEMBRE

Diidxa' riuunda' 53 ne oración

### ❑ **Guendaridagulisaa ra Riuunda' Biblia**

*bt-S* cap. 13 párr. 1-7, ne ca cuadro sti' yaza 100, 103 (25 min.)

### ❑ **Scuela sti' cani Rucheeche Diidxa'**

**Ra guiuunda' Biblia:** Eclesiastés 7-12 (10 min.)

**Primé:** Efesios 2:11-22 (3 o 4 min.)

**Guiropa:** Ximodo zanda gaca ca xpinni Cristu nadxibalú casi guca Enoc ora guini'neca' binni de Armagedón (*my hist.* 7) (5 min.)

**Guionna:** Xiñee caquiñe' gánnanu xiná Stiidxa' Dios de ca costumbre ne ca saa ni ma' biala stale binni guni (*lv* cap.13 párr. 3, 4) (5 min.)

### ❑ **Guendaridagulisaa sti' Dxiña' Stinu**

Diidxa' riuunda' 83

**10 min.** Cani chiguiete'. Ndaa ra rinabadiidxa'. Libana ni.

**15 min.** Jma rireeche diidxa' ora rizanándacabe ca xpinni Cristu (Luc. 21:12, 13). Libana ra zanda guicabi cani cucaadiaga, zeedani lu *Anuario 2011*, yaza 153, párrafo 1; yaza 179, párrafo 1 ne 2, ne yaza 203, párrafo 2, dede yaza 204, párrafo 7. Gunaba' cani cucaadiaga guini'ca' xi biziidica' de laacani.

**10 min.** Xi zusaananenu binni lu beeu diciembre. Libana ra zanda guicabi cani cucaadiaga. Bizeete' xiixa de ni zeeda lu ca libro ni chigusaananenu binni, de racá bitiidi' tobi o chupa modo zanda gácani.

Diidxa' riuunda' 35 ne oración

## NDAA RA RINABADIIDXA'

### ■ **Tuu nga cani naquiñe' guinaba' chigánnacabe laa o guinaba' xiixa libro o revista pur Internet o guchá ti cupón ra canaba' cani**

Stale de ca gui'chi' ni ribee xquidxi Jobá nápacani ti cupón ni zanda guchá binni para guinaba' xiixa libro ne revista o che' ti testigu sti' Jobá chiganna laa. Laaca zanda guinábacabe lu siti [www.watchtower.org](http://www.watchtower.org) che' tu gu'ndané laacabe de Biblia. Pur laacani stale binni ma' biziidi' de Dios. Peru zándaca chu' guendanagana ora guchá tuuxa de cani rucheeche diidxa' gui'chi' rí ne guacaaca' ni lá tuuxa xhamíguca' o binnilídxica'.

Casi ora chindá ca libro ne ca revista ca ra nuu binni ni qué ninaba' cani la? stale de laaca' rini'ca' nabé riziñe xquidxi Jobá laaca' ne rini' íqueca' nuu ti lista ra cá pa neza ralídxica', ngue runi rindá ca gui'chi' ca ra nuuca'. Ne chupa chonna de cani rucheeche diidxa' ni huayuni tender ca gui'chi' ra canaba' binni chigánnacabe laa, huaxié' galán runi sentirca' ora gú'yaca' guidxiichi ca binni ni qué ninaba' chigánnacabe laaca'. Nga runi, nin tobi de cani rucheeche diidxa' cadí na-

quiñe' guchá xiixa cupón o guinaba' xiixa pur Internet lu lá sti binni; binni si ni riuula'dxi' guiziidi' ca nga naquiñe' gúnini. Galán gánnanu qué ricabi dí Betel ca gui'chi' ra canábacabe xiixa ora rihuínnica canábacabe ni lu lá sti binni.

Yanna, xi zanda gúnilu' para gacanelu' tuuxa binnilídxilu' o tuuxa binni ni runibia' lu' para chu' gaxha de Dios ya'. Pa racaládxilu' guicaabe xiixa libro o revista la? jma galán guseendalu' cani ra nuube cáscica rúnilu' ora rusigádelu' laabe xiixa. Pa riuula'dxi' binni ca guiziidi' jma de Dios ne racaládxí' chiganna ti Testigu laa la? biyubi ca binnigola ni nuu ndaani' ca neza binni ridagulisaa ni rucheeche diidxa' neza ra nabeza binni ca. Ne pa qué ganda guidxélu' ca binnigola ca, galán guchalu' gui'chi' ni lá' *Sírvase visitar* (S-43-S) ne bidiini secretariu sti' ca binni ridagulisaa, laa zuuya' pa jneza gúcani ne zuseenda' ni Betel. Cadi galán dí' iquiñelu' lá tuuxa binni ni nuu ndaani' cárcel para gucaalu' xiixa carta Betel, o ni nuu xiixa lugar ra racanéacabe binni gusaana xiixa viciu o ni nuu ndaani' ti hospital. Jma galán gábilu' binni ca guini'ne' ca xpinni Cristu ni riganna ca lugar ca o laapebe gucaabe Betel.

## SEMANA 28 STI' NOVIEMBRE

Diidxa' riuunda' 26 ne oración

### □ Guendaridagulisaa ra Riuunda' Biblia

bt-S cap. 13 párr. 8-16, ne cuadru sti' yaza 105 (25 min.)

### □ Scuola sti' cani Rucheeche Diidxa'

**Ra guiuunda' Biblia:** El Cantar de los Cantares 1-8 (10 min.)

**Primé:** Efesios 3:8-21 (3 o 4 min.)

**Guiropa:** Ca conseju ni zanda gacané laanu para cadí gúninu ca cosa ni qué riuula'dxi' Jio-bá (lv cap. 13 ne cuadru sti' yaza 148, 149) (5 min.)

**Guionna:** Ximodo zanda guni sentir Jio-bá pur xpia'nu (my hist. 8) (5 min.)

### □ Guendaridagulisaa sti' Dxiña' Stinu

Diidxa' riuunda' 118

**10 min.** Cani chiguiete'. Biquiñe' ni zeeda lu yaza 4, para gului'lu' ximodo zanda guzulú gu'ndané cani rucheeche diidxa' tuuxa binni de Biblia primé sábadu sti' diciembre. Guluu gana laacabe gúnicabe ni.

**15 min.** «Guenda ni jma naquiiñe' gapa ti binni ni nanna gusiidi'.» Gunabadiidxa' ne guicábicabe. Gunaba' cani cucaadiaga guini'ca' ximodo gucané guendarannaxhii ni bisihuinni binni ni bisiidi' laaca' de Biblia para biniisica' lu stiidxa' Dios.

**10 min.** Modo zanda gusaananu ca revista ca lu beeu diciembre. Libana ra zanda guicabi cani cucaadiaga. Biquiñe' tobi o chupa minu-tu para guini'lu' xi tema stícani ziuula'dxi' binni gu'nda' neza ra rucheechetu diidxa'. De racá gunaba' cani cucaadiaga guini'ca' xi zanda guinabadiidxaca' ne xi textu zanda iquiiñeca' ora guini'neca' binni de ca tema ni zeeda lu primé yaza sti' revista *Torre sti' ni rapa*. Zacaca bi'ni' né ca tema ni zeeda lu primé yaza sti' revista *¡Despertad!*, ne pa nuuru' tiempu la? zacaca bi'ni' né sti tema sti' tobi de ca revista ca. Bitiidi' ximodo zanda gusaananenu binni cada revista ca.

Diidxa' riuunda' 63 ne oración

## Guenda ni jma naquiiñe' gapa ti binni ni nanna gusiidi'

<sup>1</sup> Xi naquiiñe' gapa guirá' binni ni nanna gusiidi' de Biblia. Gápacabe escuela la? Gápacabe stale

**1.** Xi guenda naquiiñe' gapa ti binni ni nanna gusiidi'.

iza de rusiicabe cani zeeda lu Biblia la? Gánacabe gusiicabe la? Ni caquiñe' gapa binni nga guendarannaxhii. Laani nga guenda ni caquiñe' gapa binni para guni guirá' ni na Ley, rusihuinni ni tuu nga cani dxandí' xpinni Cristu, laani nga guenda ni jma risaca napa Jio-bá ne ni jma riuula'dxi' binni (Juan 13:35; Gál. 5:14; 1 Juan 4:8). Zacá nga laani, para ganda gácanu ti binni ni nanna gusiidi' la? caquiñe' gusiuhúnninu nadxiinu binni.

<sup>2</sup> **Gannaxhiinu binni.** Jesús, Maestru ni Jma Nanna Gusiidi', gunnaxhii binni ne pur ni biñi' stale tu bicaadiaga laa (Luc. 5:12, 13; Juan 13:1; 15:13). Pa nadxiinu binni, zanínenu laaca' de Biblia ora tiisi. Gasti' qué zucueza laanu: nin ca binni ni qué riná gucaadiaga, nin cani rizananda laanu ne nin ti clase guendanagana. Zusihuinni rizaaládxinu binni ora gucaadiaga chaahuinu laaca' ne guinínenu laaca' de ca cosa ni naguu xizaa laaca' ne cadí ni maca gudíxhenu guinínenu binni dxi ca. Ne zabeenu tiempu para gu'ndane-nu binni de Biblia ne zadúndanu dede ante ni chigúndanenu laaca'.

<sup>3</sup> **Gannaxhiinu cani rusiidi' Biblia.** Jesús laca gunnaxhii cani rusiidi' Biblia. Dede beeda gácani para laabe casi tesoro (Mat. 13:52). Pa gannaxhiinu cani rusiidi' Biblia la? zucuechenu diidxa' né stale gana ne dede ca binni ni guinínenu ziuuládxica' gucaadiágaca' laanu. Guendarannaxhii ca zacanení laanu cadí guidíxbinu, ne jma zacá íquenu pabiá' risaca cani chitídxinu binni ne cadí cani qué zanda gúninu.

<sup>4</sup> **Xi zacané laanu gannaxhiinu binni.** Ni zacané laanu gannaxhiinu binni nga guini' íquenu pabiá' triste nabánica' purti' nuuca' zitu de Dios ne guini' íquenu modo rusihuinni Jio-bá ne Xiiñi' naxiica' binni (Mar. 6:34; 1 Juan 4:10, 11). Ne jma zannaxhiinu cani rusiidi' Biblia pa qué gusaana de gu'ndanu stúbinu ne guini' íquenu de ni bidúndanu. Cadi guiaanda' laanu guendarannaxhii ca zeeda gaca tobi de ca guenda ni rudii espíritu sti' Dios (Gál. 5:22). Nga runi, para ganda gusiuhúnninu guenda rí, caquiñe' guinábanu Jio-bá gacané laanu ne gudii espíritu santu sti' laanu (Luc. 11:13; 1 Juan 5:14). Gasti' naca pa qué gápanu escuela, o pa qué gápanu stale iza de rusídinu de Biblia, o huaxié' nánnanu gúninu ni, guiranu zanda gácanu ti binni ni nanna gusiidi' Stiidxa' Dios pa gusiuhúnninu nadxiinu binni.

**2.** Xiñee nabé risaca nga gannaxhiinu binni.

**3.** Ra gannaxhiinu cani rusiidi' Biblia, ximodo racanécani laanu ora gucheechenu diidxa'.

**4.** Xi zacané laanu gannaxhiinu binni.

## SEMANA 5 STI' DICIEMBRE

Diidxa' riuunda' 29 ne oración

### ☐ Guendaridagulisaa ra Riuunda' Biblia

bt-S cap. 13 párr. 17-24 (25 min.)

### ☐ Scuola stí' caní Rucheeche Diidxa'

**Ra guiuunda' Biblia:** Isaías 1-5 (10 min.)

**Primé:** Efesios 4:1-16 (3 o 4 min.)

**Guiropa:** Ximodo ruuya' Jobá guendaridinde ne ximodo zanda gacané ndí' laanu ora chigú-ninu o chidú'yanu xiixa (*my hist.* 9) (5 min.)

**Guionna:** Jesús qué ñale dí' 25 stí' diciembre (*lv cap.* 13 párr. 5) (5 min.)

### ☐ Guendaridagulisaa stí' Dxiña' Stinu

Diidxa' riuunda' 111

**5 min.** Cani chiguiete'.

**10 min.** Pa chu' tu guinabadiidxa': «Xíñee qué rúnitu Navidad». Libana ra zanda guicabi caní cucaadiaga, zeedani lu libru *Razonamiento*, yaza 110 dede yaza 114, párrafo 1. Bitiidi' ti modo zanda gácani.

**10 min.** Ni caquiñe' ca binni ridagulisaa.

**10 min.** Lachuu listu para gucheechetu diidxa'. Libana ra zanda guicabi caní cucaadiaga, biquiñe' ca guendarinabadiidxa' zeeda rarí': **1)** Ximodo riuutu listu para: 1) gucheechetu diidxa' de yoo pur yoo, 2) chigánnatu binni sti biaje, 3) gucheechetu diidxa' ratiica nuutu. **2)** Xíñee naquiñe' chu'nu listu cada biaje chigú'ndanenu tuuxa binni. **3)** Xi rúnitu para gacanetu ca binni ni ruundanetu chu'ca' listu dede ante. **4)** Ora chu'nu listu dede ante, ximodo racaneni laanu chuulá'dxinu gucheechenu diidxa'. **5)** Xíñee rieche' Jobá ora riu'nu listu ante chigucheenchenu diidxa'. Diidxa' riuunda' 101 ne oración

## Cani chiguiete'

- Cani zanda gusaananenu binni lu beeu **noviembre:** folletu *Cani zeeda lu Biblia*. **Diciembre:** libru *Guizí'dinu de Maestru Ni Jma Nanna Gusiidi' ne Libru stinne' de ca historia stí' Biblia*. **Enero 2012:** libru *Xipe' ndí' cusiiidí' Biblia*. Pa ma' napa binni libru ca peru qué riuula'dxi' guiziidi' jma la? bisaanané laabe ti revista ni cadí tan nacubi o xiixa folletu ni chuulá'dxibe. **Febrero:** libru *Guizí'dinu de Maestru Ni Jma Nanna Gusiidi'*.
- Pa racalá'dxilu' guseendalu' bueltu Betel para dxiña' raca lu guidubi Guidxilayú la? zanda gucaalu' lu correu electrónicu [ContSucursal@ltv.org.mx](mailto:ContSucursal@ltv.org.mx) para gánnalu' ximodo zanda gúnilu' ni. Laaca naquiñe' gucaalu' xi guidxi nuulu'.
- Riéchedu nga gábidu laatu ma' qué zanda zaree revista *Torre stí' ni rapa* lu diidxa' ngábere, diidxa' ni riní'cabe Panamá ne Costa Rica. Zuzulunécabe revista

15 stí' diciembre 2011, ra reeda ca tema ni chiguiiunda'. Laaca zaree revista *Torre stí' ni rapa* ni riree cada chonna beeu, ne zuzulunécabe enero-marzo 2012.

## Caadxi modo zanda guinínenu binni

### Ximodo zanda guzulú gú'ndanenu binni Biblia primé sábadu stí' diciembre

«Caadxi binni riní' ique guca Jesús ti hombre nacha'hui', xcaadxi na gúcabe ti profeta risaca cásica guca Moisés ne xcaadxi riní' ique gúcabe Dios. Lii ya', xi riní' íquelu' de laabe [guleza guicábibe]. Nabé risaca nga ganna chaahuilu' tu guca Jesucristu, purtí' ra gúnilu' ni zanda guibánilu' sin qué chu'dxi gátilu' ndaani' ti paraísu lu Guidxilayú rí'» Biinda' Juan 17:3. Biindané laabe párrafo 3 ni zeeda lu capítulo 4 stí' libru *Xipe' ndí' cusiiidí' Biblia* ne gudxi laabe zabiguétalu' sti dxi para gú'ndatu jma de tema ca.

### TORRE STI' NI RAPA® Octubre-diciembre

«Ca dxi stinu rí', nuu gayuaa de religión ne naca rusiídica' ni dxandí' de Dios neca gadxé gadxé ni riní'ca' ora rusiídica' de laabe ne qué gánnaca' xi ribéza de laanu. Ñee huaní' íquelu' ximodo zanda gánnalu' guná nga religión ni dxandí' la?» Guleza guicábibe. Bilu' laabe revista rí', ne bisiene laabe primé subtítulo ni zeeda lu yaza 14 stini, ne biindané laabe Juan 4:23, 24. Bisaanané laabe ca revista ca ne gudxi laabe zabiguétalu' sti dxi para gú'ndatu sti guendarinabadiidxa' ni zeeda lu tema ca.

### ¡Despertad!® Diciembre

Biinda' 2 Timoteo 3:16. De racá guní': «Caadxi binni riní' ique Dios guní' xi guicá lu Biblia, peru nuu tu laa riní' cadí zacá dí' ni. Lii ya', xi riní' íquelu' [guleza guicábibe]. Neca gadxé gadxé ni riní' binni, peru stale tu huadii cuenta gástiru' sti libru casi laani, purtí' nuuruni neca huayúnicabe *stale* cosa para gunitilúcabe ni. Revista rí' cuzeete' de caadxi cosa ni huayuni binni para gunitilú Biblia ne para cadí gú'nda' binni ni. Ne laca cayábini laanu xíñee qué huayanda gunitilúcabe ni».

### Cani naquiñe' gánnanu de dxiña' guca

Riéchedu gábidu laatu bidale ca precursor regular lu beeu junio 2011: Costa Rica guyuu 2,036 precursor; Méjicu guyuu 96,279, ne Nicaragua guyuu 2,613. Ma' né ndí' xhoopa' biaje seguídu chu' bia' ca ndaani' guidxi Méjicu. ¡Guizá' nayeche' runi sentirnu ora gú'yanu stale xpinni Cristu cabeeca' tiempu stica' para gúnica' dxiña' rí'!